



# basic education

---

Department:  
Basic Education  
**REPUBLIC OF SOUTH AFRICA**

## SENIOR CERTIFICATE EXAMINATIONS

**SESOTHO PUO YA TLATSETSO YA PELE (FAL)**

**PAMPIRI YA BOBEDI (P2)**

**2016**

**MEMORANDUM**

**MATSHWAO: 70**

**Memorandamo ona, o na le maqephe a 12.**

**KAROLO YA A: PADI/NOBELE****POTSO YA 1: MAHLALE A KOPANE LEKWA – DN Katsie**

- 1.1 Mananyetsa.✓ (1)
- 1.2 Thipa e entsweng ka 'lepolanka' kapa 'kgauta.'✓ (1)
- 1.3 Barekisi ba sa tshepahaleng/Ka bobedi ba ne ba sa sebetse.✓ (1)
- 1.4 - Tikoloho✓  
- Tlhahiso ya baphetwa✓  
- Sesosa sa kgohlano.  
(Tse pedi feela). (2)
- 1.5 - Ba ile ba fapanyetsana thepa.✓  
- Ka mora ho lekola thepa eo ba fapanyetsaneng ka yona, ba ile ba lemoha hore ha se thepa ya nnete.✓  
- Ba kgutla, mme ba fihla ba lwantshana.✓  
(Tse tharo feela). (3)
- 1.6 Ho re tsebisa kamoo Sekgukguni a ikutlwang kateng/Ho re tsebisa se menahanong ya Sekgukguni.✓ (1)
- 1.7 Rona re le babadi re a tseba hore dihlahiswa tseo ba di tshwereng ha se tsa nnete empa Mananyetsa le Sekgukguni bona ha ba tsebe.✓✓ (2)
- 1.8 Ho bohlokwa hobane selo seo sa hae se nolofaletsa mophetwa ya hlahang Foreisetata ho bapatsa thepa eo a e rekisang, e leng ketso e tla potlakisetsa ditaba ho ya kgohlano kapa ho tswella pele.✓✓ (2)
- 1.9 Ba ile ba theha setswalle/tshebedisammoho hore ba kgone ho iphedisa.✓✓ (2)
- 1.10 Tikoloho ya makeisheneng e susumeditse Moteransefala ho tla ka thepa (thipa), e leng se neng se le bohlokwa nakong/mehlang eo moo a neng a phela teng athe ho Moforeisetata, tikoloho ya hae ya mapolasing e mo dumelletse ho tla ka thepa (manyepa) a neng a fumaneha ha bonolo moo a neng a phela teng.✓✓ (2)
- 1.11 Tjhe, ha ho a tshwanela hobane re tshwanetse ho fana ka tlhompho ho motho e mong le e mong ho sa kgathaletsehe hore o tswa porofensing efe.

**KAPA**

- Ho nepahetse, sena se ka thusa ho susumelletsa motho ho ka sebetsa ka thata ho atleha ho seo a se etsang. Ho ka tlisa moya wa tlhodisano pakeng tsa batho ba diporofensi tse fapaneng.✓✓ (2)
- 1.12 Lebitso Mahlale a kopane Lekwa le dumellana le diketsahalo tse qotsong ✓ hobane banna bana ba babedi ba bohlale, ba hlahang porofensing ya Gauteng/Teransefala le Foreisetata, ba pepesa bohlale ba bona nokeng ya Lekwa eo e leng moedi pakeng tsa diporofensi tsena, mme kopano eo ke yona e bakileng kgohlano e teng ka hara pale.✓✓ (3)

- 1.13 Ntwa e bileng teng pele ho puisano ena ke yona e susumeditseng hore ho be le puisano.✓ (1)
- 1.14 Foreisetata ha morena Ramoroko.✓ (1)
- 1.15 Baphetwa ba sehlooho.✓ (1)
- 1.16 - Sekgukguni o ne a lapile haholo athe Mananyetsa yena o ne a sa lapa.  
- Sekgukguni o ne a tswa Teransefala athe Mananyetsa yena Foreisetata.  
(E le nngwe feela). (1)
- 1.17 Ke maikutlo a thabo (o a bososela) hobane Mananyetsa o ikutlwa a kgotsofalletse leqheka la hae le tla ba sebeletsa.✓✓ (2)
- 1.18 Di mo senola e le motho ya masene/bohlale/ya sebete ho etsa tsohle ho fumana seo a se batlang. ✓✓ (2)
- 1.19 Kaha batho ba phelang tikolohong eo ba ne ba okametswe ke morena, tebello ke hore ba dumela setsong/badimong. Ka hoo ke yona e ileng ya etsa hore mofumahadi le matona ba dumele ho ya lebitleng la morena Ramoroko, athe ba ipeha tsietsing ya batho ba tshwanang le boMananyetsa.✓✓ (2)
- 1.20 Mohatsa Mananyetsa o ile a roma ngwana ho ya bitsa ntatae. Ngwana a kgutla ka karabo e reng ntatae o re a fuwe tjelete e kaekae ka tlung. Molaetsa ona o ne o senola moo tjelete e behilweng teng. Sena se bontsha mothinya o sa lebellwang hobane ketsahalo ena e ile ya fa Sekgukguni monyetla oo a neng a sa o lebella, mme a inkela tjelete nakong eo mohatsa Mananyetsa a ilo mmatlalela mahleu.✓✓ (2)

[35]

**POTSO YA 2: BOSWEU BA LEHLWA – Sello Moroe**

- 2.1 Letsumahole.✓ (1)
- 2.2 O ne a batla ho hlokomedisa Hlomi hore o a mo rata.✓ (1)
- 2.3 - Qotso ena e tletse ditaba tsa marato a batjha ba kajeno/sejwalejwale/  
qotsong ena.✓  
- Ho na le tshebediso ya tumediso ya senyesemane e leng *hullo*.✓  
- Batjha ba qotsong ena ke ba kenang sekolo.  
(Tse pedi feela). (2)
- 2.4 O ne a se a hlokometse hore Dineo o kgahluwe ke yena leha yena a ne a se na thahasello ho yena.✓ (1)
- 2.5 Di ile tsa mo tsoetsa tabatabelo ya hore eka dipuo tseo tsa Dineo di builwe ke Lerato.✓ (1)
- 2.6 O ne a ratana le Dineo/E ne e le mohlankana wa Dineo.✓ (1)
- 2.7 - Bobedi ba ne ba kena sekolo mmoho.✓  
- Ba ne ba rata Hlomi.✓  
(E le nngwe feela). (1)

- 2.8 Hlomi ya neng a ntse a sa rate Dineo o ile a qala ho ikutlwa a rata Dineo ka mora puisano eo, mme a ba a lwantshana le maikutlo a hae. ✓✓ (2)
- 2.9 Mafosi hobane ke tse ding tsa tse hodisang/ntshetsang pale pele. ✓✓ (2)
- 2.10 Hobane mophetwa wa sehlooho o ne a sa lahle mangolo ao Dineo a neng a mo ngolla ona. Le sefaha seo a neng a mo file sona, o ile a se boloka a se ke a se lahla. ✓✓ (2)
- 2.11 E amana le ona ka hore merero ya bona e ile ya thisa ka baka la lefu le itlelang feela. ✓✓ (2)
- 2.12 Tikoloho ya diketsahalo ke ya makeisheneng moo ho nang le diterata, mabenkele, dikereke le dikolo le motswako wa puo. ✓ Diketsahalo tsa pale ena di dumellana le yona hobane re bone Tshiu a qhwebeshana le Hlomi lebenkeleng. Ditlhodisano tsa metjeko di tshwarelwa sekolong. ✓✓ (3)
- 2.13 Ba tseka Lerato/Ba tseka kgarebe. ✓ (1)
- 2.14 Re tsebiswa ke dipuo tsa hae/mantswe a hae a reng, 'Nna ha ke tanakelwe ke bashemane ... . Ke ba boletse hore ba tla nlotla.' ✓ (1)
- 2.15 Ke ho memelwa dijong ke mme wa Lerato ✓✓ (2)
- 2.16 Kgohlano e fedisitswe ke hore Tshiu a fetohle e be mopholoswa. ✓✓ (2)
- 2.17 Tomatso e hlahiswa ke taba ya hore ntate wa Lerato, o ne a nkile Hlomi e le ngwana feela eo a tlo mo leboha athe ha a tsebe hore Hlomi ke mohlankana wa moradi wa hae, mme ebile mohatsae o ne a se a ile a mo memela lapeng. ✓✓ (2)
- 2.18 Thuto ke hore molato oo motho a o entseng kgale o tla hlaha ka le leng la matsatsi/Molato ha o bole. ✓✓ (2)
- 2.19 - Hlomi o ne a ka nna a mo hlala hobane o ne a tshepitswe Lerato hore o tla hlokomela Sweubalehlwa. ✓✓  
- Ba ne ba ka nna ba phela ka kgotso hobane Hlomi o ne a ka nna a isa Sweubalehlwa habo kapa habo Lerato.  
(E le nngwe feela, ho elwe hloko dikarabo tsa baithuti). (2)
- 2.20 E, e ka ba mohlala o motle wa tlhekelo hobane qotsong ho na le baphetwa ba sehlooho. Ho bile ho boetse ho utlwahala ho na le kgohlano pakeng tsa Hlomi le Tshiu. ✓✓ (2)
- 2.21 E, di totobatsa kgatakelo ya ditokelo tsa hae hobane ha ho tlolo ya molao eo a e entseng. ✓✓

### KAPA

Tjhe, ha di totobatse kgatakelo ya ditokelo tsa hae hobane ho ne ho na le bopaki bo bontshang hore o ne a le maikemisetsong a ho hatakela ditokelo tsa Lerato ka ho mo qobella ka ditlhare ho mo rata. (2)

[35]

**POTSO YA 3: SEHLEKEHLEKE SA DEIDRO – VT Masima**

- 3.1 3.1.1 Ke ha Amanda/Ke Oshakati. ✓ (1)
- 3.1.2 O ne a etetse Amanda ho tla fumana tlhahisoleseding e malebana le ditaba tseo a neng a di fuputsa. ✓ (1)
- 3.2 - O boletse hore yena le aubuti wa hae e ne e le dihlwela. ✓  
 - O ne a buile ka batho ba bang ba neng ba kile ba mo etela, ba ronngwe ke eo aubuti wa hae. ✓  
 - O ne a re o tsebisa Chikano lebitso la aubuti wa hae.  
 (Tse pedi feela). (2)
- 3.3 - Ho sebediswa dithunya. ✓  
 - Ho dulwa ditulong tsa disofa.  
 - Difensetere tsa matlo ke tsa dikgalase.  
 (E le nngwe feela). (1)
- 3.4 - Mohla a neng a le ha Katriena ha ho a ka ha sebediswa dithunya empa dithipa ✓.  
 - Ha Katriena o ile a bona, a ba a tseba bahlasedi ba hae ba neng ba akga mobishopo Biala ka hare empa mona ha a ka a ba tseba. ✓  
 - Ha Katriena o ile a pholoswa ke Paliya Kaluyanda athe mona o ile a ipholosa ka ho baleha.  
 (Tse pedi feela). (2)
- 3.5 Ketsahalo ena ya hore Chikano a hlaselwe ka dithunya ke batho bao a sa ba tsebeng. ✓ (1)
- 3.6 - O sebedisitse diketso tsa hae Chikano. ✓✓  
 - O sebedisitse tlhaloso ya mopheti.  
 (E le nngwe feela). (2)
- 3.7 Nnete hobane morero wa bona e ne e le ho mmolaya hore a se tswelle pele ka diphuputso tse neng di tla pepesa mesebetsi ya bona e ditshila. ✓✓ (2)
- 3.8 Ke hanana le polelo ena hobane ditaba tsa qotso di totobatsa ho mpefala/tharahano ya diketsahalo kaha ke mona tshepo ya Chikano ya ho fumana lesedi le malebana le mokgatlo wa Bana ba Phiri le mo phonyoha hampe, mme le dintho tseo a neng a lokela ho di sebedisa kwana Botswana ha a sa di fumane ho Amanda. ✓✓ (2)
- 3.9 O sebedisitse phanyeho/teketliso hobane Amanda o shwele a so qetelle mabitso ao ka botlalo. Ka hoo babadi ba dula ba fanyehihile ba lebelletse ho bona hore e be Chikano o tla qetella a fumane monga lebitso na (aubuti wa Amanda) ✓✓ (2)
- 3.10 Ha e kgolwehe hobane mopheti o hlalosa hore kamoo ntlo eo e neng e ranthane kateng, e ne e kopakane e bile e le maharaswa e tletse maqhetswana a ditulo le dikgalase eka dihele tse nyane. ✓✓

**KAPA** (2)

- E a kgolweha hobane Chikano e ne e le lefokisi le bohlale le bileng le nang le boiphihlelo bo hodimo. Ke hona a bileng a kgona ho ipuseletsa a ba a kgona ho phonyoha tleneng tseo tsa tau. (2)
- 3.11 Ho ile ha potlakisa morero wa hore a ye Botswana e leng hona moo a neng a hlile a lokela ho ya fuputsa ka mokgatlo wa Bana ba Phiri. Moo Botswana o ile a fumana tlhahisoleseding e ngata eo a neng a ntse a e batla. ✓ ✓ (2)
- 3.12 3.12.1 Se ne se phuthetse lebanta la vidiyo. ✓ (1)
- 3.12.2 Se ne se tswa ho Bana ba Phiri. ✓ (1)
- 3.12.3 Sephuthelwana seo se ne se na le lebanta la vidiyo e neng e bontsha mopresidente Monnafeela ya neng a kwetetswe ke mokgatlo wa Bana ba Phiri. Vidiyo eo e ne e bontsha hore o ntse a phetse hantle ditlamong tsa hae. ✓  
Hape vidiyong eo ho ne ho hlhisitswe le Thakadi, tlhapikepe ya nyutleleya eo le yona e neng e ile ya kwetelwa ke wona mokgatlo oo. ✓ (2)
- 3.13 Di totobatsa tikoloho ya ditoropong ✓ hobane ho thwe monghadi Khumalo o ne a itokisetse ho ya dijong, tlong ya ho jela (restjhurenteng)/ho buuwa ka diterata, kantoro, ditaba tsa ditaemane kapa diqhomane. ✓ (2)
- 3.14 - Hobane o ne a sa batle ho tsejwa kaha seo se ne se ka mmakela mapolesa. ✓ ✓  
- O ne a utlwisisa hore monghadi Khumalo o tla tseba moo se tswang kaha mokgatlo wa bona, o ne o ile wa buisana le yena pejana. (E le nngwe feela). (2)
- 3.15 Taba ya sephuthelwana e re bontsha tharahano hobane vidiyo e ka hara sona e ne e le bopaki bo neng bo kopuwe ke dinaha tsa Afrika e Borwa pele di ka phethisa dipehelo tsa Bana ba Phiri malebana le tokoloho ya Monnafeela mmoho le ya Thakadi. Ha e le moo bopaki bo le teng, jwale ditaba tsa thatafalla dinaha, mme tsa ba tsietsing ya hore di phethisa jwang dipehelo tseo hobane di ne di sa tshepe mokgatlo ona. ✓ ✓ (2)
- 3.16 E amana le ona ka hore Ramaqiti ka mora ho sebedisa boBiala ka masene le bolotsana mererong ya hae e mebe, bona ba sa lemohe, o se a baleha ka bokgothokgotho ba tjehelete a le mong, ha boBiala bona ba salla ho tla tshwarwa. ✓ ✓  
(Ho elwe hloko dikarabo tsa baithuti). (2)
- 3.17 Pale ena e phethetswe hantle ✓ hobane kgohlano dipakeng tsa mebuso ya Afrika e Borwa le mokgatlo wa Bana ba Phiri, e fihlile pheletsong le tharollo e fihletswe hobane mokgatlo oo, o thuhuwe ebile ditho tsa ona di tjamelane le letsoho la mmuso. ✓ ✓ (3)

[35]

**MATSHWAO OHLE A KAROLO YA A: 35**

**KAROLO YA B: TSHWANTSHISO/TERAMA****POTSO YA 4: SEFI – DJ Nkutha**

- 4.1 Nkepe. ✓ (1)
- 4.2 - O ne a sa atleha, ntatae a itse a ilo batla mosebetsi difemeng a se ke a hlola a kgutlela sekolong. ✓✓  
- O ne a sa atleha ebile a se a le mmeleng/a senyehile.  
(E le nngwe feela). (2)
- 4.3 Motaung e bile lehlena/a tsherehana/a ba a fetohela lelapa ka ho ya dula ha Mmatshela. ✓✓ (2)
- 4.4 - Ho buuwa ka sekolo se phahameng (yunivesithi). ✓  
- Bana ba ithuta marato dikolong tse phahameng, ba kgutle e se e le basadi. ✓ (2)
- 4.5 - Ke ketsahalo eo ho yona Raboditse a mo sebetsang ka ditlhare, hore a tswela lapeng la hae a ba a nyala Mmatshela hoo ho bontsha hore ha se motswalle wa sebele. ✓✓  
- Ke ketsahalo eo ho yona a mo rutang ho hlekefetse lelapa, mme sena se bontsha hore ha a mo rate. ✓✓  
(E le nngwe feela). (2)
- 4.6 E amana le ona ka hore Nkepe o ile a tswela pele ho se mamele Tiisetso, mme seo sa etsa hore a feile materiki a be a qetelle a ithwetse. ✓✓  
(E le nngwe feela). (2)
- 4.7 - Lelapa la boTiisetso le ne le hlompheha le na le seriti ho tloha qalong ya ditaba, re ne re lebelletse hore qetellong le tla be le atlehile e le mohlala setjhabeng empa le fellwa ke kgotso le a qhalana. ✓✓  
- Lelapa lena le ne le na le ngwana ya bohlale ebile le ikemiseditse ho mo ruta ho ya pele/Re ne re lebelletse hore Tiisetso ka le leng o tla be a rutehile a tlisa diphetoho lapeng labo le setjhabeng empa ntatae o mo thibela ho ya yunivesithing.  
(E le nngwe feela). (2)
- 4.8 Re le babadi re elellwa hore Tiisetso o kopane le Nkepe a se a tseba hore ha a atleha empa o itjhebisa koranta mmoho le yena ebile o ntse a mo tsheha. Nkepe yena ha a tsebe hore kgale Tiisetso a tsebile sephetho sa hae. ✓✓ (2)
- 4.9 Ka baka la ho honohela kgotso ya lapa la Motaung, Raboditse o ile a sebedisa ditlhare ho fetola botho ba Motaung e le ho senya kgotso eo. Ka ho etsa jwalo a baka kgohlano lapeng la Motaung, mme kgohlano ya boela ya hlaha dipakeng tsa malapa ana. ✓✓ (2)
- 4.10 Ha Raboditse/O ne a tswa borata. ✓ (1)

- 4.11 Lebaka le entseng a latwe ke hore o ne a tshwarisitswe ke ba ha Raboditse, Mmankepe a re o batlile a mo beta. ✓ (1)
- 4.12 Raboditse/Ntata Nkepe/Mohatsa Mankepe. ✓ (1)
- 4.13 - Ke ketsahalo eo ho yona Motaung a ileng a fihla a kokota hampe a rahaka monyako. ✓  
 - Ke ketsahalo eo ho yona Motaung a buisang Mmatiietso hampe, a mo rohaka, a mo hulakanya. ✓  
 - Ke ketsahalo eo ho yona Motaung a fihla a itihela hampe betheng, dikobo di e so phuthollwe, a ntse a rwetse dieta a bile a shebisitse hlooho ka maotong.  
 - Ke ketsahalo eo ho yona Motaung a susumelletsang Mmatiietso ho mo rosa dieta.  
 - Ke ketsahalo eo ho yona Motaung a ileng a hlatsa.  
 (Tse pedi feela). (2)
- 4.14 Motaung o ne a buela Mmatiietso mantswe a bohloko, a hlabang, a mo halefela a bile a mo hulanya feela empa ho Mmatshela o dihile hlooho, nako le nako ha a bua le yena o a bososela ebile o mo buela mantswe a monate a lerato. ✓✓ (2)
- 4.15 Motaung o bolela hore hoja a ruta Mmatiietso, Mmatiietso a ka be a bua Sekgowa a sa utlwe letho seo a se buang. ✓✓ (2)
- 4.16 Puisano. ✓  
 Kgohlano. ✓ (2)
- 4.17 Maikutlo a ho nyatsa/tella/kgella batho ba bomme fatshe hobane o bonahala a tella mosadi wa hae ka dipuo le ka diketso. ✓✓ (2)
- 4.18 Ke ithutile hore manganga a ja monga ona. Nkepe o ile a hana ho mamela dikeletso tsa ntatae mme a qetella a robehile lengole ✓✓  
 (Dikarabo tsa baithuti di elwe hloko). (2)
- 4.19 Pale ena e phethetswe hantle ✓ hobane qetellong sefi se pitla Motaung ya neng a sa mamele dikeletso tsa Mmatiietso, mme o kgola ditholwana tsa seo a se jetseng. ✓✓ (3)

**MATSHWAO OHLE A KAROLO YA B: 35**



**KAROLO YA C: PALEKGUTSHWE****POTSO YA 5: MODIA – MK Mofihli le ba bang**

- 5.1 5.1.1 Ba ne ba dula Lusaka. ✓ (1)
- 5.1.2 Ba ne ba rekelwa diaparo tsa sekolo. ✓ (1)
- 5.1.3 - Ho na le masimo. ✓  
- Ho buuwa ka motebo. ✓  
- Dikolo di hole.  
- Ho a diswa.  
(Tse pedi feela). (2)
- 5.1.4 Mme wa boDieketseng o ne a sa tshepe moholwane wa hae hobane o ne a kile a tsamaya nako e telele a sa hlokomela mme wa bona. (1)
- 5.1.5 E ne e le karolo ya leano la hae hore mohlang a etsang tse tswileng tseleng ba tle ba se phetele metswalle ya bona. ✓ (1)
- 5.1.6 Ba ne ba sa tsebe tsela e kgutlelang Lusaka hantle/Ba tshaba maloma bona. ✓ (1)
- 5.1.7 Sello seo se bedietsa mahlomola/ditsietsi tseo bana bana ba ka kopanang le tsona pele moo ba yang. ✓✓ (2)
- 5.1.8 Sehlohlolo hobane ketsahalong eo mathata a batjhana a neng a bakwa ke Makatikati a fihla bokgutlong. ✓✓ (2)
- 5.1.9 - Lebitso leo a mo rehileng lona. ✓  
- Mekgwa ya hae/Diketso tsa hae.  
(E le nngwe feela). (1)
- 5.1.10 Maikutlo a kutlwelo bohloko/a sithabetsang/a nyarosang/a qenehelo hobane bana ba lla ha bohloko kaha ba iswa ho motho eo ba sa mo tlwaelang. ✓✓ (2)
- 5.1.11 Re tla be re nepa hobane ke mophetwa eo re bontshwang mahlakore a mabedi a hae, la botle le la bobele. Le ha a tshwere batjhana ba hae hampe o kgona ho ba hlokomela. ✓✓ (2)
- 5.1.12 Di a kgolweha hobane diketsahalo tsa mofuta ona di hlola di etsahetse matsatsing a kajeno. ✓✓ (2)
- 5.2 5.2.1 Noka e ne e na le dikwena tse atisang ho loma ba lehang ho tshela ho yona. ✓ (1)
- 5.2.2 Mbedzi o ile a longwa ke kwena nakong eo a lehang ho tshela noka. ✓ (1)

- 5.2.3 Mbedzi o ne a ikoma ha a tshwanela ho kgutlela hae a bile a sehwa ke letswalo. ✓ (1)
- 5.2.4 - Diketsahalo tsa ho utswa ha makoloi. ✓  
 - Diketso tsa ho rekisa dithethefatsi.  
 - Diketsahalo tsa melata e subuhlellanang Afrika-Borwa. (E le nngwe feela). (1)
- 5.2.5 Mbedzi e ne e le motho ya batlang ho phela ka tsela e molaong ha Chiperinga yena e ne le senokwane se utswang makoloi, se rekisa dithethefatsi. ✓ (1)
- 5.2.6 - Nakong eo a lelang ho tshela noka, o ile a bona majwe a mararo ka nokeng. ✓  
 - A rera ho hata hodima ona a tsebe ho tshela, o phaphame a se a wetse harehare ho noka. ✓  
 - O ile a akgeha kamora hore a tswe ka metsing.  
 - O phaphame a se a le bookelong. (Tse pedi feela). (2)
- 5.2.7 Mafosi. Sepheo sa Mbedzi sa ho tloha habo e ne e le ho tla batla mosebetsi. ✓✓ (2)
- 5.2.8 E re thusa ho utlwisisa hore e ne e le bosiu kaha dinaledi di kgantshitse. ✓✓ (2)
- 5.2.9 Le ne le bidietsa hore o tla hlalhelwa ke tsietsi. ✓✓ (2)
- 5.2.10 A nyallana le ketsahalo ya Mbedzi ya ho se tsebe hore sebaka seo a lelang ho sona ha se na bophelo bo botle jwalo ka ha se bolediswa. ✓✓ (2)
- 5.2.11 Re bona ka moo Chiperinga ya neng a iphedisa ka bobbe ba ho rekisa makoloi a boshodu, ba ho hweba ka dithethefatsi le tjelete ya mokunyata, a ileng a qetella a bolauwe, mme bobbe bo fumane kotlo e bo lokelang. ✓✓ (2)

**MATSHWAO OHLE A KAROLO YA C: 35**

**KAROLO YA D: DITHOTHOKISO****POTSO YA 6****6.1 Diteboho – RM Ramathe**

- 6.1.1 Ho leboha.✓ (1)
- 6.1.2 Ke molathothokisong wa 6/O sitwa ho ikoba le hoja mokoka, lebelo a di fumane.✓ (1)
- 6.1.3 abab✓ (1)
- 6.1.4 - E na le melathothokiso e leshome le metso e mene (14).✓  
- E na le raeme.✓  
- E arotswe dikarolo tse nne (dikarolo tse tharo tsa dihlotshwana tsa mela e tsamayang ka bone le mela e mmedi e qetellang). (Tse pedi feela). (2)
- 6.1.5 Motho ha a fumane katleho e itseng o hloleha ho amohela hore ke ka matla a Modimo a e fumaneng, a sitwe le ho mo leboha.✓✓ (2)
- 6.1.6 Bohlokwa ba phetapheto ena ke ho tlamahanya melathothokiso eo e mene ka sepheo sa ho hatella bohlokwa ba ho leboha.✓✓ (2)
- 6.1.7 Moya✓  
Maikutlo✓ (2)
- 6.1.8 Bohlokwa ba yona ke ho hlakisetsa bamamedi maikutlo a sethothokiso ka hore ba ipopele setshwantsho kelellong tsa bona. Ba bone motho enwa ha a ya dingakeng ho ya batla thuso.✓✓ (2)
- 6.1.9 O etsa hore ke be le maikutlo a tshabo hobane sebaka sa dihele se tsebahala e le sebaka sa bokgopo le tlhokofatso bosiu le motsheare. ✓✓ (Ho elwe hloko dikarabo tsa baithuti). (2)
- 6.1.10 Le nthusa ho utlwisisa hore motho o hloleha ho leboha dinthonyana tse nyane tseo Modimo a mo etseditseng tsona.✓✓ (2)

**LE****6.2 Fatsheng lena – PM Ramathe**

- 6.2.1 Ke hore ebe hosane o tla bonang/Ke hore la hosane le mo tshwaretse eng.✓ (1)
- 6.2.2 Modimo/Ramasedi/Tlatlamatjholo/Mmuso/Ntate/Jehova. ✓ (1)
- 6.2.3 Letsatsi.✓ (1)

- 6.2.4 Ditshito tsa rona.  
Manyala/Diketso tse mpe.✓✓ (2)
- 6.2.5 Dintho tse etsahalang lefatsheng lena ke tse tshosang tse bileng di  
sa kgahlise mahlong a Modimo, di mo bakele kgalefo.✓ (1)
- 6.2.6 Bohlokwa ba yona ke ho tlamahanya melathothokiso eo.✓✓ (2)
- 6.2.7 Ka sepheo sa ho fa lentswe leo le tlositsweng tulong ya lona  
sefutho.✓✓ (2)
- 6.2.8 Ke ho fetisetsa thuto setjhabeng/Ke ho itela ka boitshwaro bo  
hlephileng setjhabeng moo ho seng ho se phapano pakeng tsa ba  
baholo le ba banyane, o kgalema sena.✓✓ (2)
- 6.2.9 B/Kgonyetso.✓ (1)
- 6.2.10 Ke ho fokotsa palo ya mantswa molathothokisong oo/Ke ho  
potlakisa morethetho.✓✓ (2)
- 6.2.11 Ke lebotsi, ✓ le nthusa ho utlwisisa hore ha letsatsi le dikela  
sethothokisi se se ntse se ipotsa hore ebe ka le hlahlamang ke dife  
tse nyarosang tse tla etsahala.✓✓ (3)

**MATSHWAO OHLE A KAROLO YA D: 35**  
**MATSHWAO OHLE A PAMPIRI: 70**